

speque nitimur certissima, modo redintegretur, nec eam in posterum esse nec in hoc genere communi Lusatiae emolumento defuturam. Afferre hoc quidem tempore plura supersedeo, quae in quotidiano fere SCHÖTTGENIANI indicis usu notatione aliqua, aut, nisi hoc vocabulum in communem nostrum praeceptorem durius usurpatur, emendatione mihi indigere sunt visa. Egregie sane consuleretur prouinciae nostrae et apud se commodis et apud externos honori, si quis hunc Indicem ad vnam hanc prouinciam accommodatum denuo edendum susciperet, ita tamen, ut latius progressus, ad omnes omnisque generis excurrat antiquitatis tabulas, publice scriptas, siue ab aliis iam diulgatae appareant, siue lateant adhuc premanturque tum publicis tum priuatis in tabulariis et bibliothecis, ut praeterea SCHÖTTGENIANO more eas indicet atque ordinet, LVDEWIGIANO denique consilio patriae utilissimas reddat et necessarias.

Hoc opus, hoc studium parui properemus et ampli,

Si patriae volumus, si nobis viuere cari.

HORAT.

Haec iam fatis ad id, quod erat propositum, dicta sunt, perorandi reliqua, opportunior fortasse aliquando erit potestas. Auocat enim me, utque *hoc agam*, quod iubeat pietas, singularis monet huius diei, mihi potissimum meisque exoptatissima claritas, qua TIBI,

Vir Excellentissime, Amplissime,
Pater Optime

temporis, quo patriae TV ciuis nascebare, nobis ut Pater posses contingere, redit memoria. Quare uti patriae TV primum, deinde nobis viuere didicisti; ita TVO me exemplo haud reprehendendum existimaui, si patriae, cum TIBI id ipsum tribuisse viderer, prius aliquid tribuerem, quam ad hanc deuenirem coniunctionem, quae TIBI nos et hoc die obseruantissimos fisteret obstrictissimosque, nobis TE venerabilem ostenderet
nostro-